

吳興金石記

皆者傳青主向圖百詩金石文字
之以證經史之禍及學始於何代
百待學王肅劉向等七事應
之至王西莊序錢竹汀金石跋尾
又學左傳禮記等十一事補百待
之未及也氣讀詩慎說文解字
自序謂郡國往來得鼎彝其
銘皆前代之古文則詩書亦不虞
金石也西莊又曰青主難稱有並經

史實惟證史為要善哉言乎未能
成之壯年陸子濟歎答常選吳
學待存來華貝合於史林今又成
吳學金石記首于卷蓋吳學好
古之士寓於間見未有重為一書
者好濟初學不勸何力治金石
凡絕孺窳谷人點罕忽之震
典班家大族之所珍度鼎彝而
外碑碣之錄重礎瓦之細碎一

搜剔而出審諦文字手極詳載
前人考訂未備則以己意究極之
豈非博雅君子邪意由西莊證
史之說而竊有進夫史部宗
遼金元四史論者多有要詞若
碑碣一門唐以下居多宜可為糾
謬之助以存齊之精神學問焉知
它日者不為四史者凡邪身夷
矣賴存齊時以新著相娛且喜

吾鄉古蹟日引而不窮也輒濡筆而
序其簡端步者烏能序好齋哉
太文公曰顏淵難萬學附驥尾而行
蓋顏未忘魯馮藉青雲施於後世
馬耳
光緒十六年涂月楊峴并書



吳興金石記目錄

卷一 商至秦

卷二 漢元鼎至陳

卷三 唐貞觀至大和

卷四 唐開成至大中十一年

卷五 唐大中十二年至唐末

卷六 後晉開運至宋治平

卷七 宋熙甯至政和三年

卷八 宋政和三年至紹興二十七年

卷九 宋紹興至淳熙八年

卷十 宋嘉熙十年至端平元年

卷十一 宋嘉熙元年至淳祐七年

卷十二 宋淳祐七年至紹熙元年

卷十三 元至正甲申至延祐元年

卷十四 元延祐二年至泰定二年

卷十五 元泰定五年至至正十一年

卷十六 元至正十一年至元末

吳興金石記例言

一吳興金石向無專書惟嘉泰吳興志有碑碣一卷
乾隆中胡李兩府志有碑版一門僅列其目未錄
全文存佚無徵叅稽未備同治中修湖州府志丁
上舍月河輯金石畧始載全文事系創始舛漏尙
多是編仿安陽金石記例凡吳興金石肇自三代
斷手宋元注明存佚以備參攷

一鼎彝瓦磚古器雖流轉無常皆按時代編入其已
有專書如兩壘軒彝器圖釋千甃亭專錄續錄者
不錄

一碑版之文現存者必手摹諦審據拓本載文漫漶剝落者其文見于他書間爲旁注以記其全碑旣佚而文見他書者注明文見某書仍詳引前籍載明樹立之所或碑佚而有舊拓本存者仍載其文惟三費碑爲吳興最古之石雖其亡已久亦據隸釋載文

一鼎彝之高下圍徑碑版之長短寬博字之大小俱用工部營造尺度其分寸取合今制且便考量一碑有提行有空格有擡寫凡篇幅可容悉依原式間有兩擡三擡之處限于尺幅悉以提行槩之

一是編以元爲斷其有後人重摹重刻者悉依原刻
時代編入如明人重摹唐大光和尙神異碑宋文
及翁廣靈侯廟記之類至名人真蹟摹爲法帖墓
誌壙碣轉徙而來雖非盡出於湖土旣爲湖人收
藏不容漏列

一所錄碑版前人閒有題跋及考證精確者刪其繁
複標明出處悉著于編鄙見均附于後

一金石之文日出不窮續有所得俟列補遺

吳興金石記卷一

歸安陸心源伯剛甫撰

商

亞形召夫尊

兩鼎廢藏

高一尺七寸口徑五寸四分寬六寸四分腹徑九寸寬一尺足徑五寸四分寬五寸九分深一尺四寸五分重八百兩鑄款口內子執戈曰兩手形亞形中文曰召夫

父癸鼎

沈仲復中丞所藏

高四寸五分口徑三寸二分寬四寸三分耳高八

分半深二寸二分重四十一兩鑄款口內文曰
季作父癸寶尊彝

格仲尊 同上

高六寸三分口六寸腹五寸一分足四寸五分深
五寸二分重七十二兩鑄款口內文曰惟四月王
工從𣎵 𣎵 仲錫勑 𣎵 仲休用作文考尊彝永
寶按𣎵吳清卿河使以爲別字古文從木卽史游
急就篇簡札檢署梨櫝家之梨𣎵卽只與𣎵字相
近疑古別字本作𣎵或作𣎵也𣎵揚字之異文

父丁卣 甬鼎廬藏

連蓋高八寸二分腹徑四寸五分寬五寸五分足
徑三寸九分寬四寸九分深五寸二分重八十二
兩鑄款在內子立形文曰父丁蓋同

鳳尚 沈仲復中丞所藏

連蓋高六寸五分腹徑四寸四分寬五寸七分足
徑三寸七分寬五寸深四寸三分重九十兩鑄款
在內文曰鳳作乃考寶尊彝用萬年事蓋同

亞形父辛觶 同上

高四寸五分口二寸腹二寸一分足一寸九分重
九兩鑄款足內亞形矢弓形文曰父辛

且辛解

同上

高四寸三分口徑二寸寬二寸二分腹徑二寸二分寬二寸四分足徑一寸八分寬二寸二分重十一兩鑄款腹底倒矢立戟形文曰析子孫作祖辛彝

父癸斚

丁小農觀察藏

文曰析子孫父癸

冊癸父爵

鬲鼎廬藏

通高六寸三分深三寸四分流前後徑五寸四分左右徑二寸五分足高二寸五分重十九兩鑄款

盞內文曰冊癸父

父己爵

同上

通高五寸七分深二寸九分流前後徑五寸七分
左右徑一寸九分足高一寸五分重十九兩鑄款
盞內文曰析子孫父己

祖丁爵

同上

通高六寸七分深三寸六分流前後徑五寸八分
左右徑二寸五分足高二寸三分重二十二兩鑄
款盞內文曰舉祖丁父己

父丁彝

同上

高四寸七分口徑六寸三分腹圍一尺九寸七分
足徑五寸一分深三寸九分重六十六兩鑄款腹
底文曰析子孫父丁

又甞彝

同上

高三寸七分口五寸一分足四寸深三寸重四十
四兩鑄款腹底文曰王作又甞彝

周

鬲攸从鼎

同上

通高一尺五寸深七寸五分口徑一尺四寸五分
寬四尺二寸五分耳高三寸五分足高六寸五分

重六百五十八兩鑄款口內文曰惟卅有一年三
月初吉壬辰王在周康宮辟大室鬲从以攸衛牧
告于王曰女保我田牧弗口計鬲从王命相史南
以口號旅迺使攸衛牧誓曰口弗具友鬲从其祖
射分田邑則誓攸衛牧則誓从作朕皇祖丁公皇
考惠公尊鼎鬲攸从其萬年子 二孫 二永寶用凡
十行一百字阮文達公曰鬲夏諸侯有鬲氏之後
路史云郡國縣道記古鬲國偃姓皐陶後漢爲縣
近鬲津攸从鬲二子也攸爲兄从爲弟知此二人
同作鼎而父祖並同攸先从後是昆弟也曰王曰

也曰上省一王字衛牧地名南史官名相史者內
史之傳王者也此言分田之事王以屬虢旅使治
之虢旅疑卽鑄大林鐘之虢叔旅也以祖分田授
攸以衛牧授从二子遂以誓言勒之尊鼎周禮所
謂大約劑書于宗彝是也心源案阮所見趙晉齋
拓本缺四字細審第四行弗下許上之字右存口
形左从易第五行以下虢上是卽字第六行曰下
弗上之字全泐第七行則下攸上之字右旁从少
左旁上半似心字而蝕其半下作刀似斤之省古
誓字有从折从心者則亦誓字也第四行鬲从上

一字从言从午細審確是許字阮釋爲計誤田爲
田邑牧者牧地北方之俗畜牧與田並重秦漢之
時有以谷量牛馬爲富者曰汝采我田牧田與牧
並重之徵也此必攸从之父以田邑授攸以衛之
牧地授從而攸背之故曰勿口許鬲从也从以攸
違父分授衛牧之命告于王王使虢公治之勒誓
言于鼎兄旣不友弟亦不恭此誓辭弗具友三字
所由來也嘉慶中此鼎爲秦人大木頭所藏大木
頭者秦中富人不箸其名人多以大木頭稱之其
家銅器滿屋真僞雜糅以此鼎爲上上晉齋拓本

得自大木頭家余聞之龔孝拱孝拱聞之趙晉齋
云亂後器歸杭州胡氏余从胡氏得之此余家彝
器鎮庫之寶因乞老友楊庸齋顯題藏器之室曰
鬲鼎廬

嘉禮壺

沈仲復中丞所藏

高七寸七分口四寸二分腹五寸六分深六寸三
分足三寸七分重七十八兩鑄款底中文曰帝肇
傳嘉禮作壺尊用薦神保是昌唯休于永世

魯公鼎

鬲鼎廬藏

高六寸三分口徑四寸三分寬五寸二分深二寸

九分耳高一寸四分重八十二兩鑄款口內文曰
鹵公作文王尊彝阮文達公曰鹵古文魯東方濱
海地多廡鹵故以爲名字與魯通路史國名紀魯
鹵也曲阜少昊之虛此魯公伯禽之器薛氏款識
嘯堂集古錄均有此銘薛氏釋魯公爲周公非是
周公不之魯不得稱魯公嘯堂集古錄不誤或疑
魯公不當祭文王考魯有文王廟見左襄十二年
傳周禮春官都宗人注王子弟則立其祖王之廟
其祭祀王皆賜禽焉夏官祭僕凡祭祀王之所不
與則賜之禽注王所不與同姓有先王之廟賈疏

云魯衛之屬據此魯當立文王廟作祭器禮也

伯頤鼎

同上

高八寸八分口一尺深五寸四分耳二寸一分重
三百二十兩鑄款口內文曰伯頤父作朕皇攷辟
伯吳姬寶鼎其萬年子二孫永寶用按辟伯或
釋爲俟伯者非吳虞古通

格伯簋

同上

高七寸二分口六寸八分足方五寸九分深三寸
四分重二百十兩鑄款腹底文曰惟正月初吉癸
子王在成周格伯受服馬棗于朋生乃貯世田則

析柶谷杜木禺丙谷旂菜衿東門乃書史誠武立
盟成錫土簋征皂用典格伯田其萬年子二孫二
永保用期案癸子兼兩日言之博古圖商兄癸卣
有丁子周伯碩鼎有乙子與此正同則者周禮大
宗伯五命賜則鄭注王之下大夫出封加一等則
當讀爲菑爾疋田一歲曰菑郭注今江東呼初耕
地反艸爲菑則菑古音同鄭司農注考工記菑讀
如雜厠之厠公羊昭廿五年傳以人爲菑何注今
太學辟雍作側厠側皆則聲也衿字字書所不經
見阮文達以爲湄字誠史之名也盟當卽玉篇孟

字盤也。𨾏說文鄰道也。其字从二邑。段大令玉裁以爲鄰道乃鄰邑之誤。𨾏土卽邑土也。典主也。鎮也。期文達訓爲斬是也。或謂以義求之當作昌字。然此器所謂大約劑書于宗彝非作祖考之器與。斬句義合如晉姜鼎銘取其吉金作寶尊鼎用斲綽綰眉壽仲丁壺用斬眉壽之類。

頌敦

沈仲復中丞所藏

文曰惟二年五月旣死霸甲戌王在周康昭宮旦王格大室卽立宰宏右頌入門立中廷尹氏受王命書王呼史號生冊命頌王曰頌命女官治成周

貯監治新造貯用宮御錫女元衣帶束赤市朱黃
鑾旂攸勒用事頌拜稽首受命冊佩以出反入覲
寵頌敢對揚天子丕顯魯休用作朕皇考龔叔皇
母龔妣寶尊敦用追孝勸勾康虔屯右通永永命
頌其萬年眉壽無疆峻臣天子需終子二孫二永
實用蓋同按昭康宮康王昭王之廟朱黃朱衡也
禮君賜衣服服以拜賜故曰佩以出反入覲卽左
傳所謂重耳受策以出出入三覲也虔雅訓爲固
康虔疑卽康健之謂

號叔大林鐘 同上

文曰虢叔旅曰不顯皇考□□穆秉元明德御于

乃辟□屯乍攸旅敢啓帥井皇考威義爲御于天

子迺天子

以上經間

多錫旅休旅對天子魯休揚用作

朕皇考惠叔大替龢鐘鑄皇考器十二卑上下豔

二爵

降旅多福旅其萬年子

二孫

永寶用享

以上鼓間

按虢叔大林鐘鑄非一器阮文達所見拓本

迺作肉故釋爲肉以作迺爲非今此器作𠂔當爲

迺字器十二者祭器也卑上下者陳列於廟之義

說文夷舉也从升由聲春秋傳曰晉人或以廣隊

楚人舁之黃顓說廣車陷楚人爲舉之許祭酒所

見古文及服虔本皆作此字杜預本改爲基字而此字於經傳不可復見
二爵者說文歸爵之次第也言上下有次第故重言之歸不一歸爵不一爵也

伯卿鼎 丁筱農觀警所藏

高五寸五分深三寸三分耳高一寸二分闊一寸四分口徑六寸腹圍一尺九寸重六十七兩文曰

伯卿作寶尊彝

增鼎 同上

文曰歸作寶尊彝歸字从匚从曾吳清卿河使曰

鬲卽古增字匱卽昌之異文與古鬲字同意

兮中敦

同上

文曰兮中作寶敦其萬年子

二孫

永寶用按兮

中所作器非一舊釋皆以爲平仲阮文達以爲古無以兮爲氏者兮通猗見于古文尙書又通侯見于史記樂書路史云河東猗氏夏世侯伯國而龔定菴以爲兮乃義之省蓋義仲所作器未知孰是

伯癸彝

同上

文曰析子孫牧作伯癸寶尊彝

匱尊

同上

文曰匱作父辛寶尊彝彡蓋同說文匱籀文匚段
大令以爲直者其底橫者其四圍右其口也匱爲
字書所無此以人名合書於器形之中小篆相从
目从木此从杌小異吳清卿河使曰从匚从缶从
大缶古相字疑箱之異文古文簠簋皆不从竹箱
之从竹亦後人所加彡舊釋作高

𣎵伯卣

同上

文曰𣎵伯罰作寶尊彝

伯魚卣

同上

文曰伯魚作寶尊彝

保肇尊

同上

文曰保肇其作父己寶尊彝

邢侯盃

同上

高八寸連蓋深三寸七分口縱四寸三分橫四寸七分腹圍一尺七寸二分重六十七兩有流有鑒四足文曰邢侯考乃事師高子師宮氏錫師金作盃用从邢侯口虔用旅口夙夕高口吳

伯矩盃

同上

文曰伯矩作寶尊彝案伯矩所作見於金石款識者器凡四五此其自作非論譏功烈之器

簠尊 同上

文曰周簠作育已尊壺其用育于宗其子 二孫

萬年永寶用 口案說文簠厚脣貌

虢仲敦 高鼎康藏

高七寸五分連蓋深三寸九分口徑六寸五分腹

圍二尺四寸三分重一百五十七兩兩耳有珥三

足文曰惟十有一月既生霸庚戌鄭虢仲作寶敦

子 二孫 及永川蓋同

魯伯愈父鬲 丁筱農觀簠所藏

文曰魯白愈父作邾姬年媵葵鬲其永寶用

仲獻父盤

沈仲復中丞所藏

文曰仲獻父作媼姬尊盤黍梁來麥用夙餐中氏
饗案獻說文訓爲又取此作器者姓名仲獻父有
作皇考遲伯王母遲姬敦此媼姬或其母氏

魯侯角

甬鼎廬藏

通高五寸五分深三寸三分流前後徑五寸五分
左右徑二寸五分足高二寸四分重二十三兩鑄
款流內文曰魯侯作口鬯口用尊盤

叔鼎鬲

同上

通高五寸三分深三寸口徑四寸五分寬一尺四

寸一分足高一寸五分耳高一寸腹圍一尺四寸一分重二十二兩鑄款口內文曰叔鄭作己伯父

丁寶尊彝

京姜敦

同上

高四寸七分連蓋口徑四寸五分寬一尺四寸二分腹圍一尺六寸二分足徑三寸七分寬一尺一寸七分重七十三兩鑄款器內文曰維正月初吉辛卯京姜芮仲作尊敦其永壽用之蓋同

作寶尊彝

同上

高六寸深四寸四分口徑七寸五分腹圍二尺二

寸二分足徑六寸二分耳高四寸三分重九十兩
鑄款腹底文曰作寶尊彝

彝叔尊

同上

高八寸四分深七寸一分口徑六寸九分腹圍一
尺七寸足徑五寸重八十二兩鑄款腹底文曰彝
叔作寶尊彝

匭侯鼎

同上

通高一尺三寸二分深六寸九分口徑一尺一寸
八分寬三尺七寸二分耳高二寸五分足高五寸
重三百四兩鑄款口內文曰匭侯作旅鼎其萬年

永寶用愚按嘯堂集古錄有虡生鼎字作豸此鼎
虡字上半雖微爲青綠所掩其爲虡字無疑廣韻
三鍾周文王子畢公高之後封于龐因氏焉虡厯
龐古通虡侯當卽畢公之後

畏永君鼎

同上

通高一尺一寸深五寸九分口徑七寸八分腹圍
二尺八寸八分耳高二寸四分足高三寸七分重
二百十六兩陽識腹內文曰畏永君口之飢鼎愚
按博古圖有此器釋爲威汭君光之飢鼎非說文
飢食糧也从人食俗作飼素問至真要大論注飼

言一
已曰食他曰飼爾正釋器公食大夫禮釋文本作
飢則此乃畏永君宴客之器也畏永戰國時封君
之號

師田父卣

吳平齋太守所藏

高五寸七分深四寸五分口徑四寸一分足徑四
寸六分文曰惟五月既望甲子王口京命師田父
殷成周口師田父令小臣傳析余傳口朕考丕師
田父命余口口商伯剌父商小臣傳口伯口用作
朕考早寶口案湖中藏弁金石以歸安吳氏爲最
富所著兩壘軒彝器圖釋已有專書今皆不錄此

器爲平齋年伯晚年所得圖釋所未載錄之以見一斑其文與積古齋款識卷六所載同惟阮文達所據拓本漫漶第一行辨字第二行師田父下殷成二字第三行師字皆不全小臣傳之傳从人从亼从寸是鑄器者之名上一字阮釋爲斲下一字釋爲惠第四行師田父命余之余釋爲孫皆誤第五行鬻字下小臣傳三字第六行用字上伯口二字朕下考字早下寶字阮本皆缺不及此器之精石鼓是作是早疑是之省

卽墨刀範 丁小農觀察藏

廣四寸長七寸四分中間平列兩齊刀正面文曰
卽墨之吞化背文三畫漢晉錢范流傳者多周范
則僅見此耳

平陸戈 甬鼎樓藏

高五寸三分廣二寸六分文曰平陸二字與薛氏
款識所收同平陸地名見孟子

秦

方權 沈仲復中丞所藏

文曰廿六年皇帝盡并兼天下諸侯黔首大安立
號爲皇帝乃詔丞相狀綰法度量則不壹歎疑者

皆明壹之元年制詔丞相斯去疾瀛度量盡始皇
帝爲之皆有刻辭焉今襲號而刻辭不稱始皇帝
其於久遠也如後嗣爲之者不稱成功盛德刻此
詔故刻左使毋疑

貞權

同上

文同前紐上有美陽二字

薛尚功款識攷古云按秦本紀始皇二十六年平
六國號皇帝一法度衡石丈尺丞相綰者王綰也
二世元年皇帝曰金石刻盡始皇帝所爲也今襲
號而金石刻辭不稱始皇帝其于久遠也如後嗣

爲之者不稱成功盛德丞相臣斯臣去疾御史大夫臣德言請具刻書刻石因明白矣臣昧死請制曰可始言金石刻而卒止刻石據權之文去故刻左則史記石字當爲左也丞相去疾者徐廣曰姓馮又古器物銘云世所謂秦權至多銘文悉同歐陽集古錄載秘閣校理文同家有二銘其一乃銅環上有銘循環刻之不知爲何器余嘗攷之亦權也按班固漢書律厯志五權之制圍而環之今之內倍好者周旋無端周而復始無窮已也孟庚注以爲鍾之形如環也然古權亦有如今稱鍾相似

者蓋形制不一各從其便耳

愚按據劉原父古器物銘則秦權在宋代流傳甚多不若今之罕見攷古圖所載圓權有平陽斤三字此權有美陽二字皆地名也攷漢書地理志美陽縣屬右扶風周太王所邑有高泉宮秦宣太后所起漢縣多承秦制證以此權則美陽爲秦縣可知其地在今陝西乾州武功縣西南

量
丁小農觀察藏

文曰元年制詔丞相斯去疾灋度量盡始皇帝爲之皆有刻辭焉今襲而刻辭不稱始皇帝其於久

遠也如後嗣爲之者不稱成功盛德刻此詔故刻
左使毋疑案積古齋所收襲下尙有一號字度量
字辭不字也字皆摩滅不存此爲諸城劉燕庭方
伯喜海所藏後歸丁氏筠清館金石記箸于錄

昌作鏡

兩鼎度藏

徑四寸圍一尺二寸三分花邊素鈕文曰昌作明
竟幽三丘東南奏金眾王書天並目象白汞衆豈
果莫大吉羊王并李番昌天三孫冒木平星卒丘
馬凡四十二字鏡銘之內分二層外層兩飛仙兩
龍兩神內層兩虎兩飛仙兩神面光如銀背黝如

漆文雖清晰多不可識非漢以後人所能爲姑照其文摹錄以待博雅者攷焉

內清鏡

同上

徑三寸圍九寸素邊素鈕文曰內清口巧朗口光輝象天日月口忽天地唯天不池凡二十字字畫奇古如籀文義深奧如瑯琊會稽石刻當爲秦時所鑄池與阝同說文阝小崩也玉篇毀也落也繹山刻石有阝及五帝句蓋秦人習用字也

維天降靈耳

秦當宜藏

徑五寸一分圍一尺六寸二分文曰維天降靈延

元萬年天下康甯此余家瓦當第一品因乞老友
俞曲園題藏瓦之室曰秦當宦

金石索秦漢瓦當文字云其二朱學博錢別駕得
于長安市上其一俞太學得于咸陽篆法圓渾古
妙諸君皆斷爲秦瓦鵬按其句法亦類秦小璽
與天無極瓦同上

徑五寸七分圍一尺八寸六分文曰與天無極
金石索史記本紀始皇作信宮渭南已更命信宮
爲極廟象天極此疑卽極廟之瓦

男
樹藩校字

吳興金石記卷二

歸安陸心源伯剛甫撰

漢

元鼎磚 未見

馮登府浙江磚錄長三寸五分厚一寸二分文曰
元鼎元祐三后臨丁号陀元晃元祐此古文疑元
年下端三后臨丁号陀約五六字有丁予作可識
出湖州

元平磚 未見

浙江磚錄長八寸六分厚一寸二分文曰元平元

年七月廿三日作出湖州

大吉壺

甬鼎慶藏

高一尺一寸四分口五寸腹八寸二分深八寸六分足七寸六分重一百六十兩陽識足底文曰大

董氏洗

同上

高五寸口徑一尺一寸寬三尺四寸五分足徑六寸六分深五寸重七十四兩文曰董氏造

建武泉範

沈仲復中丞所藏

兩行列五銖錢八枚字背相間底文曰建武十一

年三月丙申大僕監掾蒼考工令通丞或令史工周儀造凡二十六字載金石索

伏波將軍虎符

同上

文曰與上將前鋒伏波將軍爲虎符第一凡十四

字錢沽舊藏

景耀弩機

同上

文曰景耀二年四月十三日中作部左興業劉純業吏陳鏐蒲細所作八石重四斤二兩凡三十二字載金石索

建武鏡

扁鼎度藏

徑三寸七分圍一尺一寸二分花邊素鼻文曰建武六年五月壬子四日癸丑造作三令之宜王且侯服竟之人偕壽歲子孫眾多悉爲公卿奴婢數百牛羊成□□□內層四飛仙二龍二虎二神案漢鏡有年號者極罕此光武建武六年作也晉之建武次年卽改大興不得有六年矣字與文皆古茂惜成下四字不可辨耳

漢并天下瓦

秦當宦藏

徑五寸五分圍一尺七寸七分文曰漢并天下

金石索按史本紀高祖五年正月卽皇帝位於汜

水之陽天下大定疑此瓦爲居櫟陽時作也

億年無疆瓦

同上

徑五寸三分圍一尺六寸九分文曰億年無疆

金石索黃小松云億年無疆或謂是王莽妻億年陵瓦瓦無內郭與它制殊字亦直書非隨勢爲之者

永奉無疆瓦

同上

徑五寸九分圍一尺九寸文曰永奉無疆

金石索

申氏以爲瓦質恢宏異于常制疑爲漢宗

廟瓦按黃圖載太上皇有寢廟園以及衛思后皇

祖悼考皆有廟園廟曰奉明與永奉意相合則以爲廟殿瓦可也

千秋萬歲瓦

同上

徑五寸九分圍一尺八寸七分文曰千秋萬歲

金石索三輔黃圖未央宮中有萬歲宮武帝造汾陰有萬歲宮宣帝元年幸此宮神爵翔集此或其宮殿之瓦

延年益壽瓦

同上

徑五寸六分圍一尺八寸二分文曰延年益壽

金石索黃圖未央宮有延年殿或卽此殿之瓦也

高安觀瓦 同上

徑五寸一分圍一尺六寸五分文曰高安萬世

金石索按漢書佞幸傳封董賢爲高安侯此當卽其私第之瓦桂未谷云漢有高安館非董賢第宅瓦也

長生無極瓦 同上

徑五寸八分圍一尺九寸文曰長生無極

金石索此瓦漢城中往往有之王子充漢瓦記言未央宮瓦六等此其一也程勉之以爲阿房宮瓦也

馬氏萬年瓦

同上

徑五寸圍一尺五寸四分文曰馬氏萬年孫吏部

祿增

謂萬年字非臣下所宜用而馬氏無爲帝王

者疑爲晉司馬氏瓦而省司字愚攷萬年萬世等
字商周彝器所習見漢晉磚文不論士民多有萬
年萬歲等字無所避忌則此亦漢世臣下屋瓦也

馬氏殿當瓦

同上

徑四寸六分圍一尺四寸二分文曰馬氏殿當案
倉頡篇殿大堂也漢世臣下所居皆得稱殿漢書
黃霸傳今郡國上計吏條對有舉孝子者先上殿

注殿丞相所坐屋也今惟天子宸居稱殿是其証
漢世馬氏之貴者有馬成馬武馬援馬日磾諸人
意爲馬氏之瓦其形制皆與諸宮殿宮舍瓦殊小
蓋臣下所居不能如皇居之壯大也

元公鏡

同上

徑三寸八分圍一尺二寸花邊素鼻文曰本出吳
郡張士元公造作虛二千丑亥行上元周侯五世
御東道中相連朱鳥雇之靡不言旬想得如言以
相降衡椎牛治羊當明昌作明鏡幽凍三商案漢
順帝永建四年始分會稽郡之浙江以北爲吳郡

見三國志虞翻傳注引會稽典錄則此鏡乃漢季所作也是與氏通張氏元公無攷漢鏡多有稱張氏作竟者元公其造鏡名手乎厯家有上元中元下元之說見漢書律厯志鏡上中元二字恐不作此解疑爲周侯之字五世御東猶云五世治東言世爲東方牧守故云道中相連也

青蓋鏡

同上

徑四寸六分圍一尺四寸花邊素鼻文曰青蓋作竟四夷服中國豐盛人民息胡虜殄滅天下復風雨時節五穀熟長保二親得天力傳告后世樂無

極內層龍虎朱鳥玄武四形金石索青蓋乃造鏡者姓名

天王日月鏡 同上

徑三寸圍九寸花邊素鼻文曰天王日月天王日月天王日月鏡有十二格每格一字中作三神三獸之飾間以六柱皆凹下當日嵌珠王者三言天王日月者謂一歲十二月皆天王之日月也頌禱之辭蓋漢宮中物也

昌作鏡 同上

徑四寸六分圍一尺四寸八分素邊素鼻文曰昌

作明鏡佳且好明而日月世少有刻治分守悉皆
在長□□案昌作鏡者之名中有四乳四仙人二
獸

鄒氏鏡 同上

徑四寸圍一尺二寸七分花邊素鼻文曰騶氏作
鏡四夷服多賀國家人民息胡虜殄滅天下復風
雨時節五穀熟長保二親得天力傳告后世樂無
亟兮洪氏隸續鄒氏鏡銘二其文與此同

張氏鏡 同上

徑四寸圍一尺二寸七分素邊素鼻文曰張氏作

竟四夷服多賀君家人民息宦至三公得天福子
孫備具孝且力樂毋亟兮內層一龍一虎有張氏
二字

吾作鏡

同上

徑四寸二分圍一尺三寸四分花邊素鼻文曰吾
作竟有陰陽師萬倍如侯王每字一方格

善銅鏡

同上

徑三寸三分圍一尺五分花邊素鼻中有四乳文
曰漢有善銅出丹陽和已銀錫清且明

宜子孫鏡

同上

徑七寸七分圍二尺三寸一分素邊素鼻外銘文
曰長相保兮二人中銘文曰壽如金石內銘文曰
長宜子孫

宜官鏡

同上

徑四寸六分圍一尺四寸三分素邊素鼻文曰君
宜官位

周范鏡

同上

徑三寸六分圍一尺一寸四分素邊素鈕外銘文
曰吾作明鏡幽凍三商周范無師配像萬世自身
作樂栢神見容□□□□□□安習年番周子

昇師盜大吉羊位至三公內銘十二方格文曰吾
作明鏡幽凍三商周大吉羊博古圖有調刻鏡金
石索有周刻鏡當是周氏所作此作周范周與調
通范與範通周範猶周刻也中有四飛仙四龍四
鳳間以八柱皆凹下以嵌珠玉者幽凍三商四字
博古圖凡七八見皆不能釋其義愚謂三商者三
次也籌算法有初商再商三商之制謂算至三次
也儀禮昏禮鄭注日入三商爲昏賈疏商謂商量
是刻漏之名考靈耀日入三刻爲昏不盡三刻爲
明三商卽三刻或練三刻之久亦可通

高氏鏡 同上

徑三寸八分圍一尺二寸花邊素鼻內銘上方格
雙行四字文曰高氏宜官下方格文曰富安外銘
文曰皇君天兒書至子見吾鬲子自兒尋皇子見
寬善先堯子邑先賈子見享皇子氏棠生見子吾
量夏見子吾言計四十二字皆反文讀之不可解
內層飛仙九龍五光緒十年湖州西余山與甘露
二年磚同時出土姑仿宣和博古圖之例照原文
摹錄

日月鏡 同上

徑二寸八分圍八寸七分文曰日月丁丙而清而巧而啟而明而光而安

龍氏鏡

同上

徑六寸四分圍一尺九寸六分花邊素鼻文曰龍氏作鏡佳且好明而日月世少有刻治分守悉皆在長保二親宜孫子東王公西王母大吉羊矣兮內層四乳二神四侍者二獸

竟甯磚

浙江磚錄長四寸厚一寸三分文曰竟甯元年歲
下出湖州

梁相費汎碑

石佚據隸釋載文

梁相費汎字仲慮此邦之人也其先季文爲魯大夫
有功封費因氏爲姓秦項兵起避陞于此遂留家焉
世業稼穡好學禮樂大漢之缺官司相繼絕而復續
至梁府君以孝友至行聞於鄉邑仕更郡右蹇鄂質
直在公履法察孝廉除郎中屯騎司馬遷蕭令賑民
如子先教後罰流立默之化奉以忠信守以敦篤在
位九年百姓移風苛慝不作姦寇不發變爭路銷推
讓道生三年不斷獄禎祥感應時沛有蝗獨不入界
由此顯名國以狀聞朝廷嘉諸拜梁相宣慈惠缺不

帥自正當登台階延究眉耆被病遜位春秋八十卒

二子慕

缺

鳳山宰府至堂邑令政九江太守適孫玓

感奚斯之義刊銘立石旌勒厥美俾

缺

覽焉其辭曰

穆穆顯祖厥德懿鑠播助於前不碩基業遺愛於民

福流後牂庶

缺

昌

缺

在堂

缺

室功烈休矣末昆戮力

談鑰吳典志在墨妙亭集古錄隸書不著書撰人

名氏碑不載其鄉里及刻石年月

堂邑令費鳳碑

石佚

惟熹平六年歲格于大荒無射之月堂邑令費君寢

疾卒嗚呼哀哉于是夫人元弟故

缺三字

守卜肩追而

謀之其辭曰

君體履柔和溫其如玉脩孝友乎閭閻執忠謇於王

室立迹州郡仕更右職舉直措枉彊御缺貸貢孝三

署助譽有則出宰近甸民懷厥德色斯輕翔翻然高

絮主人述職分缺班爵台缺二招助鼎調物退已進

第不營榮祿栖遲厯稔項領滯畜鄣土不庭黔民作

虐命君缺二政化缺行從善遷恩三基基致道有恥

且格牧守拴功轉左堂邑垂拱不言而民帥伏三時

之間卒以缺洽号天不弔命也早歿春秋六十六黎

儀瘁傷泣涕連漉豈愛我躬命不可贖臨終迷缺三

字

內發祖業良田畝直一金推子弟息辭位讓財行義
高邵卓不可及名實相副有始有卒缺二人善痛兮
切惻

故吏故鄣施業字世堅義民堂邑鹹忠忠年十有一

慈考早隕喪以備於禮制蓬首而缺三壞而消辟地

缺三行母氏以缺四而悼傷服缺非五五縗杖其未

除廣陵之郡守東海缺二聞寢疾而終卒凡百普悲

缺四舜化比屋之餘慶隨缺棺柩車哀以而逆之祖

載已畢訖還返其故鄉君缺其節操悲其有缺二每

以缺五其老親忠缺君片德念君之仁恩聞君之隕

隧剝斷而辛酸復截縑麻杖缺君之柩棺扶號而竭

缺泣涕其缺甫於岐山缺其從之迷君而到官

上書而度薦君盡禽息之缺三君缺三缺

字於山缺列種嘉奇樹特為之潤鮮忠業與缺二猶

君恩使然雖君有大化孰能爾者難于喪之終缺三

思其顏而缺死可贖不愛缺二人今君缺於彼卓謫

而超倫吏氏慕高縱來者其如雨偉名建磐石垂示

於缺二門下功曹徐侃字元節主簿呂嘉字元缺主

史陳信字聖舉主記史缺忠字建臺門下游微缺二

字叔騰門下賊曹缺二字聖臺門下史曹助字仲臺

缺

吏呂常字孝讓從掾位徐超字元貴

漢隸字源右碑熹平六年立在湖州碑文與張表

碑相類

費鳳別碑

石佚

君舅家中孫曰陵石勛字子才載馳載驅來奔于喪
庭肝確意悲感切傷心瞻彼碑誄懷之好音司馬墓
蘭相南容復白珪仰之以彌高鑽之而彌堅不堪哀
且思敘詩之一篇庶幾昔子夏起夫子之所言其辭
曰

君諱鳳字伯蕭梁相之元子九江太守之長兄也世

德襲爵銀艾相亞恢遐祖之鴻軌拓前代之休蹤邈
逸而難繼越非羣愚之所頌仁義本於心慈孝著於
性言不失莢術行不越矩度清潔皦爾望而不滓恤
憂矜厄施而不記由近及遠靡不覆載故能闡令名
而雲騰揚盛聲而風布踐郡右職三貢獻計辟州式
部忠以衛上漢安二年吳郡太守東海郭君以君有
透蛇之節自公之操年世一舉孝廉拜郎中除陳國
新平長神化風靡惠以流下靜而爲治匪煩匪擾乾
乾日稷矜此黔首功成事就色斯高舉宰司委職位
思賢以自輔玄懿守謙虛白駒以尋陞丹陽有越寇

沒缺四

命君討理之試守故鄣長蓋危亂有不讓又

畏此之罪罔

缺二而

牧爰止其師旅鳩若飛鷹鷂

鏡若夫虢虎疆者綏以德弱者以仁撫簡在上帝心

功訓而特紀幡輿宰堂邑基月而致道視

缺四遂據

于卿尹中表之恩情兄弟與甥舅鳩與女蘿性樂松

之茂好聞君顯令名舉宗爲歡喜不悟奄忽終藏形

而匿景耕夫釋耒耜桑婦投鉤芎道阻而且長望遠

淚如雨英馬循大路寧裳而涉洧悠悠歌黍離思黃

鳥集于楚惴惴之臨穴送君於厚土嗟嗟悲且傷每

食

缺不絕夫人篤舊好不以存亡改文平感渭陽悽

言二
十三
怡益以甚諸姑咸璧踊爰及君伯姊孝孫字元宰生
不識考妣追惟厥祖恩蓬首斬縗杖世所不能爲流
稱於鄉黨見吾若君存剝裂而不已壹別會無期相
去三千里絕翰永伉慨泣下不可止

鐵橋漫稿費鳳別碑跋費氏三碑舊在吾郡墨妙
亭石皆亡失此蓋宋拓本紙色微損以隸釋讀之
第十二行越冠下沒字第十五行行首視字不可
識隕字口內有泐紋集古錄目隸釋以爲勛金石
錄以爲勛又以爲勛審觀實是勛字第十八行黃
易上思字誤衍隸釋以爲六字句恐非都南濠嘗

得是碑并得前碑今不知所歸此本未經割礮當
雙鉤重刻於石然多漫漶處非精于隸法者不能
鉤出也

〔漢隸字源〕碑在湖州前碑無名字世系見于此碑
金石錄作碑陰非也

〔金薤琳琅〕右漢堂邑令費鳳別碑歐公直以爲費
鳳碑趙明誠則以爲費鳳碑陰隸釋謂費氏父子
三碑並列于吳興校官壁蓋鳳之父汎爲梁相有
碑而鳳亦自有碑此則鳳中表石勛所述也隸釋
所稱別碑爲是今皆不存此予得之四明豐解元

坊宋搨本也

記二

十四

愚按費氏三碑本在城南三碑鄉孫莘老守湖移置墨妙亭見東坡墨妙亭記洪氏隸釋謂在校官壁然談鑰撰吳興志在洪氏後亦云在墨妙亭鑰郡人其言可信洪氏殆傳聞之譌也自宋以後不見著錄或以爲府署低窪陷入水中或以爲張士誠據湖築入城內愚謂皆非也湖地雖低郡署在湖城最高處墨妙亭又在郡署最高處無從陷入水中一也士誠竊據江淮其壻潘元紹實帥湖州其築城也改小而非擴大磚石有餘無庸取材墨

妙卽有之天甯飛英兩寺碑材林立皆較府署近
城近捨而遠取必無是理二也以郡署與湖城最
低處較相去以尋丈計以墨妙亭與郡署前後行
路較相去亦以尋尺計地形高下不應懸殊蓋元
明之間官斯土者鮮好古之士墨妙遺址淪爲庖
湍者久矣屢經兵燹瓦礫積愈積高竊意漢唐各
石尙沉蕪于舊基中也若于附近數十步內掘深
尋丈必有所得明呂盛鑿池而得馬碧梧詩石其
明徵也惜地在公署非賢太守不能爲力耳

中平磚 未見

浙江磚錄長一尺三寸厚一寸二分文曰中平五年七月口世萬歲富貴萬歲出湖州

新善銅鏡 同上

徑三寸五分圍一尺一寸四分花邊素鼻文曰新有善銅出丹陽和已銀錫清且此新葬所作鏡也
三國吳

黃武磚 存某氏

浙江磚錄長七寸厚一寸二分文曰黃武元年八月五日都反文

天紀磚 未見

〔浙江磚錄〕長四寸二分厚一寸六分文曰天紀二
年韓出湖州

晉

太康磚 未見

〔浙江磚錄〕長一寸四分厚一寸二分文曰太康七
年常山張異字元令出湖州

〔浙江磚錄〕又長一尺厚一寸二分四面文曰太康
八年閏八月作此壁鴈正月五日卒得疾病喪亡
居在奉吳興餘旃吳口口月葬送也出武康

〔浙江磚錄〕又長一尺厚一寸二分文曰吳興餘杭

吳桃初族有七十餘人正月五日□□卒疾病喪
亡時居在奉口太康八年作壁戶屬武康門通鑑
太康八年閏八月與此碑合張開福曰吳以陽羨
永安餘杭臨水丹陽故鄣安吉原鄉於潛諸縣立
吳興郡此碑吳興餘杭沿孫氏之舊武康卽永安
晉史太康元年更永安爲武康此云戶屬武康可
證奉口或曰卽今仁和九都三十三圖之頑區也
釋中溶曰鴈字當是臘字說文所無晏子諒上篇
古今注廣韻以爲臘之俗字碑蓋言閏八月作壁
臘月治葬也壁通贊出武康

元康鏡 甬鼎廬藏

徑三寸八分圍一尺二寸二分素邊素鼻文曰元

康元年造作明鏡百凍正

卽真字

銅用者老壽作者

長生家有五馬內銘一格一字文曰造作明鏡百
凍口佳內層作五神五獸之飾字近行草開右軍
之先聲矣觀于此鏡乃知蘭亭非僞作也

永甯磚 未見

浙江磚錄長一尺一寸六分厚一寸六分文曰永
甯元年八月癸丑朔作中出湖州

浙江磚錄又長一尺三寸厚一寸六分文曰永甯

元年八月龍里黃喜出湖州

永嘉磚 未見

浙江磚錄長一尺四寸厚二寸文曰永嘉元年八月十日章司徒石出湖州

浙江磚錄又長一尺二寸三分厚一寸六分文曰永嘉六年八月二十日造辦出武康山中

浙江磚錄長一尺三寸厚一寸一分文曰永嘉七年六月二十一日許氏作出吳興

建武磚 未見

浙江磚錄長九寸二分厚一寸四分文曰建武元

年間月俞龍暉日出武康

大興磚

浙江磚錄長一尺一寸厚二寸文曰大興三年九月二十日每字一格出湖州

又長一尺一寸六分厚一寸八分文曰大興四年太歲辛巳吳興劉力門出烏程烏山千甓亭藏

又長一尺一寸厚一寸八分文曰大興四年太歲辛巳吳興烏程劉出烏程烏山千甓亭藏

又長一尺一寸七分厚一寸八分文曰大興四年太歲辛巳吳興劉力門下端薛西曹墓四字薛氏

墓磚也劉力門匠人姓名續漢書百官志太尉公
屬西曹主府史署用東曹主二千石長吏遷除秩
比四百石世說劉簡作桓宣武西曹參軍晉官多
承漢制漢爲掾晉爲參軍而東西曹則同薛西曹
者其人當爲宰相西曹參軍惜其名不可攷耳千
甃亭藏

又長一尺一寸三分厚一寸七分文曰大興四年
太歲辛巳吳興烏程劉下端造作二字出烏程烏
山千甃亭藏余所藏專幾及二千種已見千甃亭
磚錄者皆不收此及下兒氏磚皆爲近日所得專

錄續專錄所未載

泰甯磚

浙江磚錄長一尺二寸厚一寸五分文曰泰甯二年七月二十日俞敬所作吳興烏程縣出烏程

中大夫劉造墓誌

石佚

勞鉞湖州府志西余山寺僧道孜預作壽穴乃得古墓誌刻云晉咸康間中大夫劉造妻管氏

大學博士周闡墓碑

石佚

巖下放言法華山發古冢得一碑刻云晉升平四年三月四日太學博士陳留郡雍邱縣都鄉周闡

字道舒妻活晉潯陽太守譙國龍圻縣柏逸字茂
長小女父晉安太守鷹揚勇諱蟠字永時皆鑄成
文此周闢之妻柏逸女之墓也父晉安太守鷹揚
勇諱蟠蓋闢之父故獨稱諱但不知妻活何義字
畫極分明無譌其中無他物唯得銅銚一三足螭
柄面闊四寸縱製半之作不甚工野人來求售予
適得之云尙有一石臺高可尺許有花文先爲溪
南人取去升平四年至今紹興十六年正六百八
十七年

升平磚

未見

浙江磚錄長一尺一寸五分厚一寸六分文曰升
平三年七月二十日辛巳朔沈浮壁出湖州

太元磚 未見

浙江磚錄長三寸五分厚一寸二分文曰卜氏塹
太元二十一年塹卽柳之俗字出湖州

義熙磚 未見

浙江磚錄長九寸厚二寸文曰義熙十四年八月
陳法作出武康

元熙磚 韋紫伯明經藏

浙江磚錄長八寸一分厚一寸二分文曰元熙元

年太歲己未韓出湖州

兒氏磚 千贊亭墓

長一尺八分厚一寸一分末曰兒照作萬

封出烏山

謝太傅塘碑 石佚

顏魯公集碑陰記郡西至長城縣通水陸今尙稱

謝公塘及遷去郡人懷思刻石紀功

吳興志在長興謝公鄉至唐天寶盜起不存

宋

元嘉磚 未見

浙江磚錄長一尺二寸厚一寸二分文曰言事許
公元嘉五年五大之出武康

大明磚未見

浙江磚錄長一尺五分厚一寸四分文曰大明四
年作出湖州

浙江磚錄又長五寸六分厚一寸六分文曰大明
五年丁月韓伯出湖州

梁

項王蔬食文石佚文見藝文類聚

吳興志梁邱遲書在墨妙亭

天居寺碑 石佚

吳興志 光大元年詔立天居寺後爲輔公祏所燬
止存尙書左僕射王繕撰碑碣宋改爲廣惠寺

邱遲墓碑 石佚

能改齋漫錄 沈太虛侍郎虛中言昔湖州有人發
古冢得碑乃南朝邱遲

沈氏述祖德碑 石佚偽碑文載湖錄

顏魯公集沈氏述祖德碑陰記 南齊徵士吳興沈
君名驥士郡人也蘊道德晦于邑之餘不溪家貧
無資以織簾爲業故時人號爲織簾先生精於禮

傳嘗自訓誥宗人吏部郎中淵中書郎約累薦徵
爲著作郎高臥不起名重江表臨終遺教依皇甫
元晏棺中貯孝經一卷穿壙三尺置棺平土不設
几位四時席地元酒而奠子彝奉行之吳郡陸惠
曉張融皆爲之誄徵士嘗製述祖德碑立於金鵝
山之先塋年月淹遠風雨蠹蝕朽字殘文翳而莫
分乾元中爲盜火所襲碑首毀裂欽然將墮過江
十葉孫御史中丞震移牒郡國請其封葺或屬兵
凶曠而莫脩忽有樸樹生於龜腹盤根抱趾聳幹
夾碑巍如工造鬱若神化歆者復正危而再堅夫

德無名遇賢而種祥神無質假物以申應沈氏積
行既遠徵士植德彌深天將興舊族乎吾知沈氏
之復大也權檢校宗事十九葉孫前太廟齋郎怡
拜泣松檟增脩舊塋感先碑之隕覆懼遺文之殘
闕乃具他石傳而二焉崇其本所以尊先也建其
新所以嗣德也以真卿江南婚姻之舊中外伯仲
之穆謬忝邦刺見託斯文刊諸碑陰以傳無朽因
名其樹爲慶樹以旌其美焉沈氏之故事具於家
牒今闕而不紀時有唐大厯八年冬十二月也
案沈氏述祖德碑沈麟士撰唐乾元盜起爲火所

焚碑遂損裂忽有槎樹生于龜腹因而不墜然字
已漫滅不可辨大厯中裔孫太廟齋郎沈怡別刻
一碑顏魯公記而刻其陰見文忠集元祐中又碎
爲十六段在縣獄中缺一百十四字太守林希據
魯公焦補其缺刻石記之紹興中王厚孫所見已
無下截嘉泰中並上段亦失惟林希所刻在墨妙
亭見復齋碑錄鄭元慶湖錄始錄全文不知何據
余觀其文辭義淺鄙斷非六朝人作證以羣書尤
多抵牾其爲明人僞撰無疑請列入證以明之參
軍官名始于魏晉其始曰參某官軍事其後有功

曹戶曹法曹倉曹兵曹諸名至改曹稱司則在唐
龍朔改官名以後諸史職官志可考碑云文生隨
楚內史司戶參軍不但春秋時無此官卽麟士生
于齊梁亦不知有此官名其僞一也沈約宋書自
序以爲台駘之後封于平輿沈亭碑以爲周文王
子冉季封于沈約與麟士同族同時不應一族二
祖僞二也曇慶懷明歷官具載正史碑云吏部尙
書曇慶五兵尙書懷明考宋書南史曇慶懷明均
未歷此二官其僞三也麟士父虔之與演之攸之
慶之爲兄弟行叔仁乃攸之之父懷明則慶之從

孫皆見正史麟士以演之爲伯父當以叔仁爲族
祖以懷明爲族子碑乃混之伯父叔兄之列以祖
爲父以子爲兄世系錯謬其僞四也宋書自序弘
子勗勗子奮碑云弘子昂勗昂子奮自序戎三子
長鄴二澣三景碑亦三子長鄴次禮三澣而以景
爲鄴子是勗有子而無子景則以弟而爲子其僞
五也自序光武授戎爲海昏侯不受碑同其葬也
據碑以爲永平元年是明帝卽位初改元也佛法
于永平八年始入中國戎卒時尚不知有佛安得
捨宅爲寺哉碑云戎捨宅爲懷德寺其僞六也談

鑰撰吳興志有著姓一門于沈姓下屢引沈約自
序及姓氏錄諸書此碑敘述世系甚詳何不徵引
一字可知宋人所見並非今碑其僞七也子孫之
于祖不應稱字況名乎六朝人尤重避諱今一則
曰戎祖再則曰戎祖述其德而斥其名如同奴隸
麟士通人必不如此其僞八也竊意碑名述祖德
當是述沈戎招降免殺之德故能後人昌大不必
詳敘世系更不必敘及得姓以前作僞者蓋本新
唐書宰相世系表又加以捏造耳宰相世系表之
謬沈東甫訂譌辨之詳矣今不贅

紫陽觀碑 石佚

〔吳興志〕梁大同五年建昭明太子蕭統撰碑

天目山銘 石佚文見吳興志。未詳時代

〔吳興志〕蕭翊撰銘

陳

烏程縣孝義寺塔銘并陰 石佚

〔寶刻叢編〕釋慧景製天嘉二年立

〔復齋碑錄〕碑陰吳興太守武陵王□□貞明元年

八月 寶刻叢編

報德寺塔銘 石佚文見藝文類聚

吳興志徐陵撰在長興縣大雄寺子院與地紀勝同

報德寺碑石佚

吳興志周宏正奉勅撰在長興縣大雄寺與地紀勝同

虞寄報德寺碑石佚

括地志五峯山國子博士虞寄報德寺碑云四鶴

齊飛五峯相映吳興志。報德與地紀勝作報恩

男
樹屏校字